



NAMAKWA TOERE & AKKOMMODASIE BK2005/121434/23

H/A NAMAQUA LODGE

Sinoniem met die panoramiese Sederberge, die asemrowende Stadsaalrotte wat jou op 'n verbeeldingstog neem en jou na 'n ander dimensie weglei, ongerepte Weskus natuurskoonheid, kaleidoskoop van Namakwalandse blommeprag, gasvryheid, weglê-etes en die luuksste busvervoer.

### NAMAKWALAND BLOMMETOERE 2018:

Betaal R2000p/p deposito (binne 14 dae) nadat u bespreking bevestig is, en balans 30 dae voor toer vertrek.

<b>2018 TARIWE</b>	
<b>4 DAG TOERE</b>	
Deel Tarief (per persoon)	R7 400
Enkel tarief (per persoon)	R8 900
<b>5 DAG TOERE</b>	
Deel Tarief (per persoon)	R9 400
Enkel tarief (per persoon)	R11 200
<b>6 DAG TOERE</b>	
Deel Tarief (per persoon)	R11 100
Enkel tarief (per persoon)	R12 800

### DATUMS 2018:

<b>4-Dag Namakwalandse Blommetoer</b>			<b>5-Dag Namakwalandse Blommetoer</b>			<b>6-Dag Namakwalandse Blommetoer</b>		
CPT 1/1	1 - 4 Aug	Wo-Sat	CPT 2/1	5 - 9 Aug	Son-Don	CPT 3/1	10 - 15 Aug	Vry-Wo
CPT 1/2	28 - 31 Aug	Di-Vry	CPT 2/2	17 - 21 Aug	Vry-Di	CPT 3/2	22 - 27 Aug	Wo - Ma
CPT 1/3	7 - 10 Sept	Vry-Ma	CPT 2/3	2 - 6 Sept	Son-Don			
CPT 1/4	11 - 14 Sept	Di-Vry						
CPT 1/5	15 - 18 Sept	Sat-Di						

### REISPROGRAM - 4 DAG NAMAKWALANDSE BLOMMETOERE:

Ingesluit: 3 Nagte se akkommodasie by Namaqua Lodge  
Geregistreerde toergids  
Super Luukse busvervoer  
Etes soos aangedui

Uitgesluit: Toegangsgeld (maksimum van R100 pp per toer),fooitjies & drankies.

**DAG 1:** Ons vertrek vanaf Kaapstad en ry deur Bloubergstrand, verby Melkbosstrand, Atlantis en Mamre oppad na Darling. Vandaar vertrek ons nader aan die kus waar ons by Langebaan verby gaan. Ons sal ook Saldanha se hawe sien - die grootste, diepste en veiligste hawe in Suid-Afrika! Volgende op ons roete is die Weskus se drielingdorpie Velddrif, Port Owen en Laiplek wat aan die mond van die Bergrivier die bokkomhoofstad van SA uitmaak. Ons ry ook deur Dwarskersbos, verby Rocherspan en oor die Verlorenvlei voordat ons by Elandsbaai uitkom. Hier word die kreefbakkies met hyskrane van die kai tot in die baai laat sak. Van hier kies ons koers deur die Sandveld verby Leipoldville en Graafwater via Clanwilliam na Vanrhynsdorp waar ons elke aand van die toer sal oornag in Namaqua Lodge.

### **Ingesluit: Verversings en aandete**

**DAG 2:** Vandag is 'n lang dag en een van die hoogtepunte op die toer! Ons vertrek vroeg-oggend deur die Knervlakte waar dit op die oog af lyk of daar niks is nie, maar wanneer ons stop en uitklim is almal verbaas om die verskeidenheid en hoeveelheid dwergvetplantjies te sien wat tussen die wit kwartsklippies groei - sommige plantjies lyk ook net soos die klippies! Ons ry deur die Hardeveld met dorpie soos Nuwerus en Bitterfontein. Voor ons Garies bereik ry ons die Namakwalandse Klipkoppe binne wat strek tot noord van Springbok. Ons sal

op hierdie roete `n ou verlate dorpie sien wat moes skuif en die kleinste titelakte in SA. Ons lê besoek af aan die ou koper-myndorpie rondom Springbok - Nababeep, Concordia en Okiep, wat op `n stadium die rykste kopermyn in die wêreld was. Hierdie roete wat ons vandag ry beloop om van die beste blomme op die toer te hê! As jy nie gedurende blommetyd in die Namakwalandse Klipkoppe was nie, was jy nie in Namakwaland nie!

**Ingesluit: Ontbyt, verversings en aandete**

**DAG 3:** Ons volg vandag `n ander roete deur die Knersvlakte tot teen die Bokkeveldberge waar ons die skouspelagtige Vanrhynspas sal bestyg tot bo op die Bokkeveldplato by Nieuwoudtville - die bolplanthoofstad van die wêreld! Ons sal die dag rondom hierdie pragtige dorpie spandeer en besienswaardighede soos die kokerboomwoud, Nieuwoudtville-waterval en gletserspore besoek. Ons sal ook besoek aflê aan die NG-kerk, `n pragtige sandsteengebou met `n baie interessante geskiedenis. Hulle glo dat hulle die enigste kerk in die wêreld is wat `n monument vir skuld opgerig het! Ons sal ook na die beste blomme in die kontrei gaan kyk.

**Ingesluit: Ontbyt, verversings en aandete**

**DAG 4:** Die laaste dag van ons toer, maar steeds `n kleurvolle dag propvol opwinding! Ons ry deur die Olifantsriviervallei tot by Clanwilliam waar ons die Pakhuisberge sal binnegaan. Hierdie rotsformasies laat mens net weer besef hoe nietig ons is, en dit lyk dit asof die rotse bo-op mekaar gepak is. Ons lê ook besoek af aan C. Louis Leipoldt se graf in die berge. Op Clanwilliam besoek ons die Ramskop natuurtuin op die oewer van die Clanwilliamdam waar sowat 350 verskillende blomspesies aangetref kan word. Ons ry hierna verder deur die vallei met die Sederberge en Olifantsrivierberge weerskante van die pad tot ons die Piekenierskloofpas oorstek. Die roete neem ons verder deur die Swartland met sy goudegeel canola- en grasgroen koringlande. Na `n asemrowende dag word `n sielsverrykende toer afgesluit in Kaapstad.

**Insluit: Ontbyt en verversings**

#### **REISPROGRAM - 5 DAG NAMAKWALANDSE BLOMMETOERE:**

Ingesluit: 4 Nagte se akkommodasie by Namaqua Lodge  
Geregistreerde toergids  
Super Luukse busvervoer  
Etes soos aangedui

Uitgesluit: Toegangsgeld (maksimum van R100 pp per toer), fooitjies & drankies.

**DAG 1:** Program soos by 4-dag Namakwalandse blommetoere

**Ingesluit: Verversings en aandete**

**DAG 2:** Program soos by 4-dag Namakwalandse blommetoere

**Ingesluit: Ontbyt, verversings en aandete**

**DAG 3:** Program soos by 4-dag Namakwalandse blommetoere

**Ingesluit: Ontbyt, verversings en aandete**

**DAG 4:** `n Lekker Weskus ondervinding lê voor vir vandag. Ons ry via Vredendal en Lutzville met al die wingerdlande en groentetonnels, wat die noordelike deel van die Olifantsriviervallei uitmaak. Ons beweeg nader aan die kus en sal sien hoe die Olifantsrivier by Papendorp in die see uitmond. Ons maak `n draai by Standfontein wat een van die gewildste vakansiedorpie langs die Weskus is met sy lang wit uitgestrekte strand. `n Klipgooi suid van Standfontein kry ons die skilderagtige dorpie Doringbaai, `n regte vissersdorpie. Ons volg `n roete verder suid tot by Lambertsbaai wat bekend staan as die kreefhoofstad van SA. Na `n lekker dag langs die Weskus vertrek ons na Clanwilliam. Ons besoek die Ramskop natuurtuin op die oewer van die

Clanwilliamdam waar sowat 350 verskillende blomspesies aangetref kan word. Ons sal ook die graf van C. Louis Leipoldt besoek in die asemrowende Pakhuisberge waar dit lyk asof die rotse bo-op mekaar gepak is.

**Ingesluit: Ontbyt, verversings en aandete**

**DAG 5:** Ons roete volg die N7 oor die Piekenierskloofpas met 'n pragtige uitsig oor die Swartland se lappieskombers canola- en koringlande. Ons draai af na Porterville en ry deur Gouda via die Nuwekloofpas na Tulbagh. By Tulbagh sal ons deur Kerkstraat stap, waar talle geboue ten volle gerestoureer is na die groot aardbewing wat die dorp op 29 September 1969 getref het. Na 'n besoek aan hierdie pragtige karaktervolle dorpie vertrek ons deur die Boland na Kaapstad.

**Insluit: Ontbyt en verversings**

#### **REISPROGRAM - 6 DAG NAMAKWALANDSE BLOMMETOERE:**

Ingesluit: 5 Nagte se akkommodasie by Namaqua Lodge  
Gerigestreerde toergids  
Super Luukse busvervoer  
Etes soos aangedui

Uitgesluit: Toegangsgeld (maksimum van R100 pp per toer), fooifjies & drankies.

**Dag 1:** Program soos by 4-dag Namakwalandse blommetoere

**Ingesluit: Verversings en aandete**

**Dag 2:** Program soos by 4-dag Namakwalandse blommetoere

**Ingesluit: Ontbyt, verversings en aandete**

**Dag 3:** Program soos by 4-dag Namakwalandse blommetoere

**Ingesluit: Ontbyt, verversings en aandete**

**Dag 4:** Program soos by 5-dag Namakwalandse blommetoere

**Ingesluit: Ontbyt, verversings en aandete**

**Dag 5** Vandag beloof om 'n baie opwindende dag te wees! Ons vertrek na nog 'n stewige ontbyt verby Klawer, al langs die Olifantsrivier tot by Clanwilliam. Van hier ry ons via die Pakhuispas in die Sederberge in en ry oor die Brandewynrivier tot waar ons by die Engelsman-se-graf (uit die Anglo-Boereoorlog) uitkom. Ons draai weg na die Biedouwvallei, wat bekend is om in 'n goeie jaar te spog met die mooiste blomme. Verder ry ons tot by Wupperthal wat as 'n sendingstasie begin is tussen die berge deur JG Leipoldt. Hier sal ons die geleentheid kry om 'n paar Wupperthal vellies te koop voor ons omdraai.

**Ingesluit: Ontbyt, verversings en aandete**

**DAG 6:** Ons roete volg die N7 oor die Piekenierskloofpas met 'n pragtige uitsig oor die Swartland se lappieskombers canola- en koringlande. Ons draai af na Porterville en ry deur Gouda via die Nuwekloofpas na Tulbagh. By Tulbagh sal ons deur Kerkstraat stap, waar talle geboue ten volle gerestoureer is na die groot aardbewing wat die dorp op 29 September 1969 getref het. Na 'n besoek aan hierdie pragtige karaktervolle dorpie vertrek ons deur die Boland na Kaapstad.

**Ingesluit: Ontbyt, verversings**

## Hoekom saam met Namakwa Toere gaan toer?

### Wie is Namakwa Toere en wat doen ons anders?

- Ons is Namakwalanders en ken ons streek goed.
- Ons is 'n familiebesigheid en is reeds sedert 1985 in die toerbedryf.
- Ons toergidse is van die bekwaamste, hulpvaardigste en vriendelikste gidse wat u ooit in Namakwaland sal teëkom.
- Elke toerlid se persoonlike behoeftes vir 'n toer word persoonlik deur ons opgeleide personeel hanteer.
- Namaqua Lodge, waar ons toerlede elke aand van die toer tuisgaan, is sentraal geleë, in die hart van Namakwaland. Hiervandaan wa-wiel ons elke dag in 'n ander rigting om by die weersomstandighede aan te pas en die beste blomme op die warmste dag te sien.
- Ons hotel, Namaqua Lodge, is bekend vir ons weglê etes en ons naam loop ons vooruit daarvoor, een van Namakwa Toere se sterkste punte.
- Ons hotel se kamers is almal op grondvlak en elke kamer het sy eie privaat badkamer.
- U pak eenkeer uit en pak eenkeer in – ons slaap op een plek vir u gerief.
- Daar is geen gejaagde toerprogram nie! Ons busbestuurders is saam met u met vakansie en nooit onder druk nie. Ons reisprogram is nie beperk tot kilometers nie. Ons ry tot waar die beste blomme is.

### Die ekstra myl wat ons stap

- Toerlede wat vroeër of langer in Kaapstad wil vertoef, kan geakkommodeer word. Ons beding jaarliks met sekere hotelle in Kaapstad vir beter tariewe vir ons toerlede.
- Ons help graag met vlug-, trein-, hotel- en vervoer reëlings. Kontak ons gerus vir meer inligting.
- **PRIVAAT TOERE** en **SPANBOU TOERE** kan gereël word. Enige groepe van 4 of meer kan geakkommodeer word vir 'n toer na ons streek.

### Onthou dít wanneer jy kom blomme kyk:

- Buiten Namakwaland se 5 streke (Knersvlakte, Hardeveld, Namakwalandse Klipkoppe, Richtersveld en Kusvlakte) is daar nog ander streke wat jaarliks spog met die van die mooiste blomme soos die Weskus, Olifantsrivier-vallei, Swartland, Bokkeveld, Sederberge en Biedouw-vallei!
- Die blomme-streek is baie groot – wees bereid om baie kilometers af te lê!
- Elke streek se blomme is anders en jy sal nooit alle streke terselfdertyd op hul beste kan sien nie, maar van begin Augustus tot middel September sal daar altyd blomme wees.
- Blommeseisoen **is** reënseisoen. Wanneer dit reën kan jy nie blomme kyk nie!
- Namakwaland en die omliggende streke se blommeprag lê nie net in plate blomme nie – daar groei meer as 3 500 verskillende spesies blomme! Om van hierdie plante beter te leer ken, maak jou besoek soveel meer waardevol.

### Hoekom vertrek ons vanaf Kaapstad met ons blommetoere?

Wanneer ons Kaapstad verlaat, ry ons reeds in die blomstreek in. Die Weskus huisves jaarliks van die heel beste blomme en is altyd die moeite werd om te besoek. Indien ons met 'n bus vanaf Gauteng vertrek sou dit **twee dae** neem om tot in Namakwaland te kom en weer dieselfde met die terugtog. Dit sal ook beteken dat jy hoofsaaklik in een rigting sal reis en nie elke aand op dieselfde plek kan oorslaap om die toerprogram by die weer aan te pas nie. Ons is sedert 1985 in die toerbedryf en kan met trots sê dat ons die wenresep het wanneer dit by Namakwalandse blommetoere kom!

### [www.facebook.com/namakwatoere](http://www.facebook.com/namakwatoere)

Ons Facebook blad spreek vanself. Dit is die bewys dat ons vir ons toerlede blomme wys en nie net deur die streek ry nie. Besoek gerus die adres soos hierbo om te sien wat ons toerlede jaarliks ervaar en kyk ook gerus na hoe ons toerlede interaktief reageer. Na elke toer word daardie spesifieke toer se foto's op Facebook gelaa. Net nog 'n ekstra gratis diens wat Namakwa Toere aan ons toerlede bied! Blommekykery kom om blomme te sien - ons toerlede sien verseker blomme!

### Wat gebeur as Namakwa Toere die toer kanselleer?

- **Namakwa Toere** onderneem om sover dit moontlik is geen toer te kanselleer nie. Ons het nog nooit nodig gehad om 'n blommetoer te kanselleer nie. Indien dit ooit sou gebeur dat ons 'n toer **moet** kanselleer, sal ons u gelde wat u alreeds betaal het, binne 24 uur terugbetaal met 10% rente per jaar.

### **Hoe bespreek ek 'n toer by Namakwa Toere?**

➤ Wanneer u besluit het om op een van ons toere te bespreek, vul die besprekings vorm in. Faks of epos die vorm dan vir ons kantoor. Die nodige sal dan deur ons gedoen word (hotel- en vlieg besprekings indien u dit so aangedui het). U sal 'n toerverwysings-nommer en Namakwa Toere se bankbesonderhede ontvang. Hierdie toerverwysings-nommer **moet** op u deposito strokie aangetoon word. Hierdie toerverwysingsnommer moet ook op alle korrespondensie gebruik word vir die toer wat u bespreek het.

➤ Ons verskaf nie bank besonderhede sonder 'n besprekingsvorm nie. Die enigste rede hiervoor is dat toerlede in die verlede gelde inbetaal sonder dat hulle 'n toer verwysingsnommer ontvang het, en dat hulle nie 'n bespreking per faks of epos gedoen het nie. Dit het al gebeur dat voornemende toerlede gelde inbetaal het, maar dat daardie spesifieke toer alreeds vol bespreek was.

Ons begin elke oggend voor ons ry met 'n gebed, en vertrou in die Here vir 'n veilige en sielsverrykende toer.

Dit is noodsaaklik om soveel streke in Namakwaland te besoek as moontlik en genoeg kennis te dra van hierdie interessante streke. Ons is baie bevoorreg om in Namakwaland te woon en van hier ons toere te onderneem. Ons weet presies waar om blomme te gaan kyk in ons streek. Ons weet wanneer dit reën en hoe elke streek lyk na die reënval.

Ons maak seker dat ons vir elke blommekyker net die mooiste blomme en beste besienswaardighede van die streek wys en teen die beste bekostigbare toerprys.

**Dit is belangrik dat u moet weet dat blommeseisoen ons reënseisoen is. Dit is hoekom ons die reg voorbehou om ons dag tot dag se reisprogram te kan omruil om by die weer aan te pas. Ons behou ook die reg voor om die reisprogram te verander om by die beste blomme wat ons streek kan bied aan te pas.**

Vriendelike Blomme groete



*Namakwa Toere Span*

Jenny en Mike Spies

Epos: [info@namaqualodge.co.za](mailto:info@namaqualodge.co.za) & [info@namakwatoere.com](mailto:info@namakwatoere.com)  
www.namaqualodge.co.za & www.namakwatoere.com

SEL:+27 (0) 82 654 8877 – JENNY  
+27 (0) 89 66 444 – MIKE  
+27 (0) 872 9999 - SANTA  
+27 (0) 72 218 8728 - MARNÉ

22 VOORTREKKER STRAAT  
POSBUS 246  
VANRHYNSDORP  
VANRHYNSDORP: TEL:+27 (0) 27 219-1633/+27 (0) 27 219 1377  
FAXS: +27 (0) 27 219-1635

**Hotel verblyf vir diegene wat voor die toer vertrek of nadat die toer afgehandel is:**

	<b>City Lodge - Grand West - Kaapstad</b> <b>(3 ***)</b> <i><b>Toer vertrek 08:00</b></i>
Enkel kamer	R993
Dubbel/Twin	R1400
Ontbyt	Volledige ontbyt ingesluit in tarief - 06:30 - 09:30
Etes	Verskeie restaurante by Grand West Casino beskikbaar
Pendel diens	R300 (+R20 p/p ekstra)
Parkering	Gratis
WiFi	15 min gratis - ekstra koopbewys beskikbaar
Ekstra	Grand West Casino & Vermaaklikheid - verskeie restaurante/teaters
Web tuiste	<a href="https://clhg.com/hotels/125/GrandWest-Hotel">https://clhg.com/hotels/125/GrandWest-Hotel</a>
Tel	(021) 535 3611

	<b>Road Lodge Lughawe - Kaapstad</b> <b>(1 *)</b> <i><b>Toer vertrek: 08:45</b></i>
Enkel kamer	± R701,95 per kamer (een of twee Persone) (Tarief kan verander sonder kennisgewing)
Ontbyt	Kontinentale ontbyt– R85p/p 06:30 - 09:00 / 07:00 - 10:00 (Naweke)
Etes	Restaurante by lughawe beskikbaar, of skakel Mr Delivery vir wegneem etes
Pendel diens	R35 p/p
Parkering	Gratis
WiFi	15 min gratis - ekstra koopbewys beskikbaar
Web tuiste	<a href="https://clhg.com/hotels/308/Cape-Town-International-Airport">https://clhg.com/hotels/308/Cape-Town-International-Airport</a>
Tel	(021) 934 7303

	<b>Hotel Verde Lughawe - Kaapstad</b> <b>(4 ****)</b> <i><b>Toer vertrek: 08:30</b></i>
Enkel kamer	R1140
Dubbel/Twin	R1430
Ontbyt	Volledige ontbyt ingesluit in tarief 04:30 - 09:30 - Naweke 04:30 - 10:00
Etes	A la carte restaurant -
Pendel diens	Gratis vanaf Lughawe
Parkering	Gratis
WiFi	Gratis
Ekstra	Sitkamer met kroeg fasiliteit Gimnasium
Web tuiste	<a href="http://www.hotelverde.co.za/">http://www.hotelverde.co.za/</a>
Tel	(021) 380 5500

- Indien u vlugte na Kaapstad sou benodig kan ons u help met reëlings en besprekings teen geen ekstra administratiewe koste.



**BESPREKINGSVORM**

**TOERLID 1:**

Van:..... Mnr/Mev/Mej. - Voorletters:.....  
Volle naam:..... Noemnaam:.....  
ID no.: ..... Tel no.:.....  
Posadres: ..... Faks no.:.....  
..... Epos:.....  
..... Sel no.:.....

**TOERLID 2:**

Van:..... Mnr/Mev/Mej. - Voorletters:.....  
Volle naam:..... Noemnaam:.....  
ID no.: ..... Tel no.:.....  
Posadres: ..... Faks no.:.....  
..... Epos:.....  
..... Sel no.:.....

Toer datum: ..... Toer Verwysing nr: .....

Akkommodasie gedurende toer: Enkel..... Dubbel..... Deel 2-bed kamer..... 3 Bed kamer.....

➤ **Moet ons help met vlieg reëlings:** Ja..... Nee.....

Vertrek <b>vanaf</b> lughawe:	Lughawe naam	Datum <b>na</b> Kaapstad:	
Terug <b>vlug na</b> lughawe:	Lughawe naam	Datum <b>vanaf</b> Kaapstad	

➤ **Moet ons help met hotel besprekings:** Ja..... Nee.....

Datum : (**Voor** toer begin) ..... Datum : (**Na** toer eindig) .....

City Lodge - Grand West		Hotel Verde Lughawe	
Road Lodge Airport			

Tipe akkommodasie by hotel bespreking in Kaapstad: Enkel..... Dubbel.....

➤ **Moet ons help met pendel rit reëlings in Kaapstad:** Ja..... Nee.....

Indien u self u vlug bespreking doen - bevestig u vlugte

Datum na Kaapstad		Datum vanaf Kaapstad	
Vlug nr & tyd		Vlug nr & tyd	

**Opklimpunt:**

City Lodge - Grand West	08:00		Hotel Verde Lughawe	08:30	
Road Lodge Airport	08:45		Kaapstad Int. Lughawe*	09:00	

\*Lughawe slegs vir persone wat die oggend van toer voor 08:30 land

Handtekening:..... Datum:.....

Naasbestaande:..... Tel no.: .....